

## **Savognin: Regulaziun digl traffic d'anviern 2020/2021**

Per garanteir relaziuns da traffic regladas ed an particular per saveir rumager la neiv a taimp nizevel, ò igl uffezi cantunal da gisteia e pulizeia decidia, sen dumonda digl cumegn, sequent reglamaint da traffic:

1. Scumond da parcar la notg da 01.00 – 06.00 sen tot igls parcadis communalis a Son Mitgel e Grava
2. Scumond da parcar la notg sen igls parcadis digl cumegn e dallas pendicularas inclusiv Barnagn (lai) e Davos Fallung dallas 20.00 – 08.00
3. Obligaziun da parcar cun scheba da parcar sen igls parcadis aint igl quartier da Grava
4. Scumond da carar sen veias an suandontas direcziuns:
  - Veia Tgaplottas, davent dalla cruschada Veia Tgaplottas - Veia Strada anfignen la cruschada Veia Tgaplottas - Veia Canetel
  - Veia Tgaplottas, davent dalla cruschada Veia Tgaplottas – Veia Cumegns anfignen la cruschada Veia Tgaplottas – Veia d'Alp
  - Veia Soras, dalla cruschada Veia Soras – Veia d'alp anfignen la cruschada Veia Soras – Veia Sur Ual

Per giasts cun dimora aint igl territori da skis, per ex. Tignes, Radons, Tigia etc. è reservos parcadis permanentis a Davos Fallung. Gl'è necessari da retrer en bigliet da parcar. Vehichels sainza en tal bigliet vignan allontanos sen costs digl proprietari. Igl scumond da parcar durant la notg vala er per autos-rulotta. Manaschunzs dad autos-rulotta duessan s'annunztgier tar igl Camp Julia per en plaz da dimora.

Igls biglietti da parcadi pon neir retratgs scu suonda:

- Tar la staziun da val dalla telecabina, mintga de dallas 08.30 anfignen las 16.00.

Surpassamaints dallas regulaziuns signalisadas vignan punias tenor art. 20 e 23 dallas ordinaziuns executoricas cantunalas tar la lescha da traffic. Nous az faschagn attent, tgi gl'è scumando da lascher parco vehichels sen veias publicas. Vehichels parcòs vignan allontanos sen costs digl possessour digl vehichel. Per donn's ve da tals vehichels refusescha igl cumegn totta responsabladad.

Nous az supplitgagn da respectar chesta regulaziun.

Chesta regulaziun vala a parteir digls 19 da december 2020 anfignen igls 5 d'avregl 2021.

Tinizong, igls 14 da december 2020

Uffezi da biagier Surses